

Muɔ pùɔ wi yáliire kèle gele

A muɔ pùɔ wi yéye kòlini taa wè, kire gálaa nè kòlisin taa wè, Yírimε sì ní gbèri wi tìngi?. Kìre ne yáliicenre daa muɔ pùu ne lí dè, lèlè lii ní laala ní pùu muɔ lè, séli mari ti lii. Muɔ fàn?a yē bëri púɔ kàn?a wè wiri ɳɔri bé taa yi?ele sìin.

Yáliire daa wóri wèli júu dè, gáa nè wèli ti wori júu dè? Né ki cén ti bé gbè yírimε kpí?ile bé pì puu cènbe kìre gá pùu pùɔ wi lie fári. Dí ɳɔri mieni sí pùu wi ní.

Fúɔlo, né guècengelε, né néjengelε, né fàri jà?ala nè, yáliire dáa ti mieni fàn?a kii núgo né yírimε ní bè. Tí bé gbè pùɔ sa?a wè bè ɳɔri kén wi mè kpù?ɔ. A muɔ pùɔ wi lie wè, yírimε yakuo sì ní gbè wi sá?a. Kìre ne té yáliire dáa félidé kan?a dè wi mè bè fàri yírimε ne bè. Né ki cén Kùloceliε nyeni ɳɔri ni?enre nyɔgɔ yáliire dáa ní dè. Tí bé tɔni pùɔ sa?a wè.

Bè pùɔ ya?a wè yíriɳɔrigɔ nē gè, yeli ki cén sìkali we yírimε ní bè?. Kire nē Yáliire dáa weli tie yèli nē dè, à yeli tí su?ɔ, né sikali le ti ní dè, muɔ pùɔ wi gbè ti lii. Wi yéri ki nè bè ti lii, ale muɔ ceni wi cì?ile. Kìre nē à muɔ tí su?ɔ dè, me fàga sikali le bàa?.

Yè ki wèli, yáliire taa ye baa, dìi ti bé gbè fún̄go là?a muɔ pùɔ nē wè , nè si kí taa tí bé wi yà?a wi wéri lie. Gàa ki mèni, né dùuro. né mèdege kúɔ gè, tire bé gbè fún̄go là?a gè piile nē bele, nè sí ki ya?a ti gbè pe sa?a pè lìri. Nè ki ya?a daa wèli kíni nè tie yèli nē dè daa yèli nē, tii nē fàn?a kàn?a pe mè nè tori dù?u suro, né màdegesúro, kire gá laa mènisuro nē dè.

Sien wè yere daa tóri dè bè jo tii yàka. Nè sí kí taa Kùloceliε wi yere daa ken dè wèli mè kire gá pùu wéli céri tiri nyù?ɔ. Májo méni ki ye gè wèli sì kire cèn, à ki sí wè fùrɔ né weli piile ní bele.

A gan?ana séli nē yigi wè, te kaara cè cè kan?a wi mè. A ki nyaa sùɔ kaara yo, à kire laa gókaara yo, kii pórigo. Nè ki ya?a ki yèli muɔ pùɔ wi kiyε jìge yè yi puu ciliye, yi fà ga puu nû?ɔnyɔ. Ki yeli wiri tárigε nya?ami yaliire ní dè bëri ti lii.

Mì nè caa bè yèli yugo: A sien tiige córi gáa nè wi nè fun?ɔn le ki taani ?

Kire jo, wi sì ne jaa ki wári ki lie wi. Kire sí ne welo jo yéri yáliire daa kán?a dè piile mé bele di muɔ nyaa kàliwéye 18 wu?u nè gè. Né ki cén yáliire daa ti felide ti yè siɛn mé wè, fun?on.

Kí yeli muɔ dè puɔ kan?a wè wíri lii cè cè tɔliyɔ koguno cenge nī gè. A muɔ nē yáliire daa félide kan?a de wi mè wè séni muɔ wi lá?a yírimé nē bè, lèle lii nī muɔ ken peni wi lá?a yírimé nē bè, wi bé fàn?a taa. Ale kire tímé bé ki ya?a wi suɔ yaama ni?enmè mè.

Yè puɔ ɳaa wéli wè. À yaama baa pi paa muɔ cò wè, wi n'ziire tí bé yi?e bè kò kúlolido kúlolido, wi ceri ti bé fie míeni, nɔmuro béri kúnmuɔ wi nè, wi tɔliyɔ yí béri fii míeni. Wi yi?e ki bé puu tan?anige lègələ ké mieni nì, wi jé gá pùrɔ bè nyaa. Lègələ sáame ni yáama baa pi bé gbè túu pùɔ nē ɳaa wi wi yaa wí wi lá?a yírimé bè nè ki taa wii fie lie níe suro cè cè kan?a wi mè wi lii cenyə yaa nī. À wi siifɔlilɔ pe fɔli nē yáliicenre kan?a wi mè seni wè, wi bé pu?ɔ. Dù?ɔ piye sí kaala naa cén lè.

Yaama baa wóri weli juu bè, à pi paa tuu pùɔ nē wè, kire jo yáliire taa nyeni fòn wi ceri nī dè.

Pàa pi yè yè baa, à pùɔ wi nē yáliinu?ɔnrɔ líi wi béri yáa de ta?ala. Yè pùɔ ɳaa wéli wè. Tɔrɔ nì?ere yē wi lie nī yè. Tii nē pine nē jin nē yáliinu?ɔnrɔ ní, à kire laa kiye sìnjigemè ní. Yáliire daa pùɔ wi nē líi dè, tɔrɔ daa ti niε ti lii baa lie nī yè. Kire nē wi bé gbè kò waawa.

Ye ki cen pùɔ ɳaa wi cériwiime nè bè, wi bé puu fùndaanra nē béri tí?e, wi yi?e kii tan?ana májo bè bali pe waa yè wè?. Yèli ti lú?u lé ?

Piile bali siin nī bele, gáa yáfelimé bi pe nè?

Gáyegé si gi kí bé gbè yaama baa kúɔ bè